

SCRIPT OF EVENING GOJRI NEWS BULLETIN 6FEB 2026 1700HRS

اوننگ گوجري نيوز بولين 6 فروری 2026

يوه آکاشوانی جموں ہے نصرت تے غلام سرور تین خبر سنو۔

HEADLINES

- ۱ وزیر اعظم نریندر مودی نے اج سویرے پریکشا پہ چرچا پروگرام گے تحت طلبہ نال رو برو ہو گئے ان غی پڑھائی غو اندازو تے زندگی غی مہارتان بارے رینمائی کی۔
- ۲ مرکزی وزیر داخلہ امت شاہ نے ضلع کٹھووہ گا بین العقامی سرحد غے نیڑے اگلا مورچاں غو دورو کیو واپسی مانہے اُنہاں نے لوک بھون جموں مانہے ایک اعلیٰ سطھی حفاظتی جائیزہ میٹنگ غی صدارت کی۔
- ۳ وزیر اعلیٰ عمر عبداللہ نے اج اسمبلی مانہے جموں کشمیر غو بجٹ پیش کیو۔ پائیدار ترقی، سماجی ہم آبنگی تے معاشی خوشحالی ور زور دتو۔
- ۴ وزیر اعلیٰ عمر عبداللہ نے کیو جے جموں کشمیر مانہے اس سال میڈیکل کالجاں مانہے 548 نوی نشستان گو اضافو کیو جاریو ہے تے کشمیر مانہے ایمز اسپیال جون 2026 توڑی کم کرنو شروع کر دے غو۔
- ۵ وزیر اعلیٰ عمر عبداللہ نے انتو دیا انا یوجنا خاندانان ناہے سالانہ 6 مفت گیس سلینڈر دین غو اعلان کیو ہے۔

PM PPC

وزیر اعظم نریندر مودی نے اج سویرے پریکشا پہ چرچا پروگرام گے تحت طلبہ تین گل بات کی۔ یوہ اس پروگرام غو، 9 ووں شمارو تھو، جس مانہے وزیر اعظم نے ملک پیر غا طلبہ، والدین تے اساتزہ غے نال گل بات کی۔ اس پروگرام غو مقصد پڑھائی نانہہ بہتر بنانو تے بورڈ امتحانات تین پہلان طلبہ غا ذہنی دباؤ نانہہ کہٹ کرنو ہے۔ نشریات غے دوران وزیر اعظم نے طلبہ غا سوالاں گو جواب دتو، تے امتحان غی تیاری، ذہنی دباؤ ور قابو پان تے بورڈ امتحانات تین جڑیا دیگر مسایل ور رینمائی کی۔ اس سال بڑی تعداد مانہے لوکاں نے پروگرام مانہے حصو لیو۔ اس سال شرکت کرن آلاں غی تعداد 2025 غے مقابلے زیادہ تھی، جس مانہے 4 کروڑ 50 لکھ تین مته طلبہ، والدین تے اساتزہ نے اپنو نال درج کرایو۔ وزیر اعظم نے مزید اس طرح کہیو۔

HM IB VISIT

مرکزی وزیر داخلہ امت شاہ نے اج ضلع کٹھووہ غا بپرا نگر سیکٹر مانہے بین الاقوامی سرحد غے نزدیک اگلا مورچاں گو دورو کیو۔ اس غے نال بی اُنہاں غو دو روزہ جموں کشمیر دورہ غو آغاز ہو۔ آکاشوانی جموں غا نامہ نگار غے مطلبیق وزیر داخلہ نے سرحدی حفاظتی دستان غا جواناں واسطے فلاہی سکیمان غو آغاز کیو۔ اُنہاں نے بپرانگر سیکٹر غا گرnam تے بوبیاں سرحدی چوکیاں غو دورو کیو، تے دراندازی روکن غا انتظامات غو جائزیو لیو۔ وزیر داخلہ نے بوبیاں سرحدی چوکی تین، بی۔ ایس۔ ایف۔ ایلکاران واسطے 6 فلاہی سکیمان غو ای۔ افتتاح کیو تے سنگ بُنیاد رکھی۔ بعد مانہے، سرحد تین واپسی ور اُنہاں نے لوک بھون جموں مانہے ایک اعلیٰ سطھی حفاظتی جائیزہ میٹنگ غی صدارت کی۔ اُنہاں نے شہدا گا اہل خانہ تین ملاقات کی تے تقری گا خطوط وی تقسیم کیا۔

CM BUDGET

جمون کشمیر غا وزیر اعلیٰ عمر عبدالله نے اج اسمبلی مانہ سال 2026-27 گو بجٹ پیش کیو۔ اُنہاں نے کہیو کہ اس بجٹ غو مقصود خطہ مانہ پائیداد ترقی، سماجی بہ آبنگی تے معاشی خوشحالی غی مضبوط بُنیاد رکھنو ہے۔ وزیر اعلیٰ نے کہیو کہ حکومت جمون کشمیر نانہ ایک جدید، ترقی یافتہ تے معاشی طور ور مضبوط خطہ نانہ بنان واسطے سرمایہ کاری، نوی سوچ تے عوامی شمولیت نانہ فروغ دے رئی ہے۔ اُنہاں نے مزید کہیو کہ بجٹ مانہ بُنیادی ٹہانچہ، عوامی شمولیت تے حکمرانی نانہ بہتر بنان ور خاص توجہ دتی جارئی ہے۔ 31 دسمبر 2025 توڑی ٹیکس تین 10 ہزار 2 سو 65 کروڑ روپیہ، تے ٹیکس تین علاوه 4 ہزار 9 سو 64 کروڑ روپیہ غی آمدنی ہوئی ہے۔ اُنہاں نے کہیو کہ حکومت غا گل خرچاں غو نقریباً 60 فی صد حصو تتخواباں، پشن نے قرض غی ادایگی ور خرج وے۔

FREE ELECTRICITY

وزیر صحت و طبی تعلیم سکینہ اتو نے اج ایوان نانہ دسیو کہ حکومت جمون کشمیر مانہہ انتو迪ا انا یوچنا غا زمرہ مانہہ آن الہا بر کہر نانہ مہانہ 200 یونٹ مفت بجلی فراہم کرن واسطے پُر عزم ہے۔ اُنہاں نے کہیو کہ اس سلسلہ مانہہ منصوبو اپنا آخری مرحلہ مانہہ ہے۔ وزیر موصوفہ نے یاہ گل، وزیر اعلیٰ عمر عبدالله غی جانب تین بجلی غا شعبہ تین متعلق سوال غا جواب مانہہ کہی، جہیڑو شکتی رام پرہار نے چایو تھو۔ اُنہاں نے مزید کہیو کہ حکومت نے گھریلو بجلی سارفین واسطے ایمنسٹی سکیم شروع کی ہے جس غے تحت پُرانا بقايا جات ور سود تے جرمانو معاف کیو جاربیو ہے یاہ سکیم 31 مارچ 2026 توڑی نافذ رے غی۔

HONORARIUM

جمون کشمیر حکومت نے اج ایوان نانہ دسیو کہ فی الحال نمبرداران تے چوکیداران غا مابانہ رقم مانہہ اضافو کرن غی کوئی تجویز زیر غور نی ہے۔ حکومت غے مطابق اس وقت نمبرداران نانہ مہانہ 1501 روپیہ دتا جیں تے چوکیداران نانہ 1500 روپیہ مہانہ دتا جیں۔ حکومت نے دسیو کہ مہانہ رقم مانہ آخری واری اضافو 2016 مانہہ کیو گیو تھو جہیڑو 27 اپریل 2016 نانہ کابینہ غا فیصلہ تین بعد نافذ ہوو تھو۔ اس ترمیم تین بعد نمبرداران غی مہانہ رقم 751 روپیہ تین بدھ غے 1501 روپیہ ہوئی تے چوکیداران غی مہانہ رقم 750 روپیہ تین بدھ غے 1500 روپیہ مابانہ کردنی گئی تھی۔ حکومت نے واضح کیو کہ، اس وقت مابانہ رقم مانہہ، اضافہ کرن غو، کوئی منصوبو نی ہے۔

CM MEDICAL SEATS

وزیر اعلیٰ عمر عبدالله نے طبی تعلیم مانہہ بڑی توسعی غو اعلان کیو ہے۔ بجٹ پیش کرتا وان اُنہاں نے کہیو کہ حکومت صحت گا شعبہ نانہ مضبوط بنان واسطے ٹھوس قدم چا رئی بے۔ اُنہاں نے اعلان کیو کہ اس سال میڈیکل مانہہ 548 نوی نشستاں مانہہ، اضافو کیو جاربیو ہے۔ ان مانہہ 340 ایم بی بی۔ ایس سیٹ، 128 پوسٹ گریجویٹ سیٹ، 34 آیوروید پوسٹ گریجویٹ سیٹ تے 46 ڈی۔ این بی سیٹ شامل ہیں۔ وزیر اعلیٰ نے یوہ وی دسیو کہ کشمیر مانہہ ایمز اسپتال، جون 2026 توڑی کم کرناو شروع کر دے غو۔

CM FREE CYLINDER

وزیر اعلیٰ عمر عبداللہ نے اج اعلان کیو جے ان غی حکومت جموں کشمیر کا تمام انتو迪ا انا یوجنا یعنی اے اے وائی کہر ان نانہ سالانہ 6 مفت ایل پی جی سلینڈر فراہم کرے غی۔ اسمبلی مانہہ اپنی بجٹ تقریر غے دوران وزیر اعلیٰ نے کہیو جے یاہ سکیم غریب ترین غریبان غو احاطو کرے غی، اس گل نانہہ یقینی بناؤے غی کہ مرکزی زیرانتظام علاقہ مانہہ انتو迪ا انا یوجنا خاندانان نانہہ سالانہ 6 مفت ایل پی جی سلینڈر لیں۔

JKBOSE EXAMINATION

جموں کشمیر سکولی تعلیم بورڈ نے 10 ویں تے 12 ویں جماعت غا سالانہ امتحان 2025 مغربی علاقہ جموں ٹویزن، اکتوبر نومبر سیشن واسطے ری ویلیویشن نے جواب نامان غی فوٹو کاپی حاصل کرن غی آخری تاریخ بدھا دتی ہے، طلبہ 10 فروری 2026 توڑی جواب نامان گی فوٹو کاپی واسطے درخواست دے سکیں، تے 14 فروری 2026 توڑی ری ویلیویشن واسطے درخواست دے سکیں غا۔ طلبہ نانہہ مشورو دتو گیو ہے کہ مقررہ تاریخان غو خاص خیال رکھیں، کیونجے مزید توسعی نی دتی جے غی۔

ULLAS

محکمہ تعلیم رام بن مانہہ الاس سکیم ور خاص توجہ دتی جارئی ہے جس گو مقصد معاشرہ مانہہ سب واسطے عمر بھر سیکھن غا عمل نانہہ دینو ہے۔ اس سکیم غو مقصد 15 سال یا اس تین زیادہ عمر غا اُن بالگ افراد نانہہ تعلیم دینو ہے، جہیڑا پڑھو لکھنو نی جانیں۔ اس غے تحت بُنیادی پڑھائی، گنتی تے روزمرہ غی زندگی غی ضرروی مہارت سکھائی جیں۔ محکمہ تعلیم اس گل ور توجہ دے رئی ہے کہ لوک بینکنگ، ڈیجیٹل لین دین تے روزانہ غا کم خود کرسکیں۔ اس سکیم غے ذریعے جن جن ساکھر غا مقصد نانہہ اگر بدھایو جاربیو ہے۔ اس سکیم غو اصل ہدف وہ لوک ہیں، جہیڑا کسی وجہ تین اسکولی تعلیم حاصل نی کرسکا، تے اُنہاں نے ہُن بُنیادی حساب سکھایو جاربیو ہے۔ اس بارے مزید جانکاری دیتا وان ڈائیٹک رامبن غا استاد شہنواز گئی نے اس طرح کہیو۔-----

WEATHER

محکمہ موسمیات غے مطابق آئندہ دنار مانہہ جموں کشمیر مانہہ موسم زیادہ تر خشک رہن غا امکان بین البتہ اچا علاقاں مانہہ معاملوی غی تبدیلی دیکھی جاسکے۔ تے اج اسمن زیادہ تر خشک رہن غی توقع ہے۔ تے کچ اوچا علاقہ ور بلکی برف باری غا امکان ہیں۔ اس سلسلہ مانہہ 7 تے 8 فروری نانہہ عام طور ور موسم خشک رے گو۔ تابہ 9 تے 10 تاریخ نانہہ بکھ بکھ مقامات ور بلکی بارش تے برف باری کی پیشن گوئی ہے، 11 تے 12 فروری نانہہ حالات عام طور ور خشک موسم مانہہ واپس آن غی توقعو ہے۔ اس بارے پیش ہے مزید تفصیلات۔-----
